

الرشاد

س ١٠٠٠ ١٣٣٠

والله يهدي من يشاء الى صراط مستقيم ديني ، علمي ، ادبي ، سياسي هفتلق مجموعة اسلاميدر
اتبعون اهدكم سبيل الرشاد
صاحب ومدير مسئول : ح : اشرف اديب

اولمیرنی آرزو ایتدک . اولر جناب فیاض قدیرک کتاب کریمده :
« قاتلوهم بعدہم اللہ و ان اللہ اشتری من المؤمن انفسہم و اموالہم بان لہم الجنة . . . » اولدیفنی درخاطر ایدرک دشمن دین و وطن ایلہ بتون عزملریلہ ، بتون وارلقریلہ اوغراشه جقلردر .
زده انشاءا تعالیٰ یقینده سزه قاووشه جغز و مجاہدین اسلامیه میاننده بولنقلہ افتخار ایلہ جکیز .

مهر

المقتبس النورالقندوسی احمد بن محمد
الشریف الادریسی الحسینی السنوسی

- برنجی نومروسنک مندرجاتی :
- (۱) اسلامیتک اون اوچ عصرلق سیاستی . محوری (یقینده اسلامیت ایلہ مشرف اولان ژاپون اشرافندن) بارون هیکو .
 - (۲) ژاپونلرک اسلامیتہ نظری و حال حاضرده کی موقعی . محوری : حسن مرشد .
 - (۳) اتحاد اسلام . محوری : « احمد منیر رشید »
 - (۴) شرقده قرآن شریف . محوری : « محمد برکت اللہ »
 - (۵) سوسیالیزم و اسلام . محوری : « لویز نیکل »
 - (۶) طرابلس غرب محاربہ سنک عالم اسلامہ تأثیری .

شیون

بیاننامہ مشیختپناهی . — دین مبین اسلامک تسترنسوان حقندہ کی احکامی نیجه منافعی جالب و بونجه مفاسدی مانع و سالب اولوب حتی آوروپا حکما سنندن بر جوقلری طرفندن دخی تقدیر ایدلدیکی حالده بزده بو وظیفہ دینیہک و بونک اوزرینہ تأسس و تقرر ایدن عادات مستحسنہ ملیہک کوندن کونہ اهمیتدن اسقاط ایدلمکده اولدیفنی کمال تأثرلہ مشاہدہ اولنقدہ در . نسوان مسلمہک تستر مقصدیلہ من القدیما استعمال واکتسا ایتکده اولدقلری چارشفلرک شکلی رفتہ رفتہ تغییر ایدرک برمدتدنبری مودہیہ تبعاً اکتساب ایلدیکی شکل و صورت عقلی باشنده اولانلرک جملہ سنی تأثیرات عمیقہیہ دوچار ایدیور . ناموس و حیثیتی ، عفت و عصمتی محافظہ قیدندہ بولنان اسلام خانلربنک دنیاسدہ اک بیوک فناقلری جالب و دار آخرتدہ سؤال و عذاب الہی مستوجب اولان بو کبی حاللردن توقی ایللری نہ درجہ لردہ واجب ایسہ بز ارککلرک دخی ارباب ناموس نظرندہ چیرکین کورلدیکی شہہ اولمیان بوکبی مودہ لرلہ کیت کیدہ دائرہ ادبدن خارجه جیقمق ایستیان زوجات و بناتمزہ حدود شرعیہی تلقین و تفہیم و قوق العادہ محافظہ سی هرکسہ واجب اولان عادات ملیہی رعایتی توصیہ و خلا فی حرکتدہ بولنانلری تأدیپ و منع ایلککلکمز اقتضا ایدر . ملنک مطلوب اولان ترقیسی آداب دینیہ و عادات مستحسنہ قومہک حسن محافظہ سیلہ قائم اولوب حتی ژاپون قومنک اوتوز قرق سنہ طرفندہ ایشیدیلان ترقیات خارقه نماسی بوسایہدہ میسر اولمشدر . بزبوحقیقتلردن غافل ، هوا و هوس نفسانینک ایجاباتہ مائل اولورسہق امید ایتدیکمز وجداً محتاج اولدیغمز ترقی و تعالیٰ یہ بدل کنام اولمقلغمز مقرردر . ممالک عثمانیہدہ طائمش اولان ادیان اربابی کندی مذہبلربنک آداب و ایجاباتی اجرا ایلہ مکلف اولوب بوکا مخالف حرکاتک ممنوعیتی دخی قانون جزانک طقسان طقوزنجی مادہ سنک اوچنجی ذیلی موجینجه با ارادہ سنیہ اتخاذ و اعلان ایدیلان مقررات ایلہ بوکرہ حکومت سنیہ عثمانیہجہ تأیید ایدلمش و بو فقرہ مذکورہیہ تماس ایدن جرائمک تعقیبی و مرتکبلری ایچون محاکم

فطیون

طرابلس غربک مسلمانلرجه اهمیتتی

ایتالیانک آوروپادہ مسلمانلنی بوغرق املی

« طرابلس غرب کرک عثمانلیق ، کرک عالم اسلامیت ایچون فوق العادہ مهم بر مرکزدر . آفریقای وسطی ایچنہ مدنیت و افکار اسلامیهک انتشاری امرندہ طرابلس یکانہ بر قبو ، برنجرہ اوله رق قالمش ایدی . آنک ایچون طرابلس ، مستقبل اسلامیت طولایسیلہ غایت مهم بر نقطہ در . واقعا انکلتزہ ایلہ فرالسه بر معاهدہ ایلہ طرابلسک هینترلاندینی یعنی کیریسنی کسمشدر ایسہدہ طرابلس یینہ اسلامیتک مدخلی اولق وظیفہ سنی ایدہ بیلورردی . با خصوص مسموعاتمز طوغری ایسہ ایتالیا طرابلسک بو خدمت مدنیہ اسلامیه سنی نظر دقتہ آلہ رق سرد ایتدیکی شرائط آرہ سندہ حریت مذہبیہ متعلق بر قید قویمش . بو حریتی (Liberté individuelle) یعنی شخصی و فردی بر حریت اولق اوزرہ سرد ایلش ! دیمک کہ جماعتجہ ، اداره جہ بر حریت طائمیور . مؤسسات دینیہ تشکیلاتی حقندہ غایتلہ احتیاطلی طاورانیور . ایتالیا کنندیسنہ جواب رد ویریلہ جکندن قطعاً امین اولدیفنی حالده آکلاملی کہ حریت مذہبیہی بیلہ تقييد ایتک ایستہ بور ، دیمک اولیور کہ معاذاللہ طرابلس غربک ایتالیا النہ یکمسی فرض ایدلسہ آرتق سنوسی هیئتلرینہ مساعدہ ایدلمیہ جک . بو ایسہ حا کیت دینیہ اسلامیهی ضعفہ دوشورمک ایچون دوشونلش برشیدر »

« توکیودہ » اسلام غزته سی

بوکرہ ۲۰ شباطدن اعتباراً ژاپونیہدہ ژاپون لسانندہ « اسلام » نامیلہ فلسفی ، دینی بر غزته نشرینہ یاشلانمشدر .